

卷二十四 禮儀誌

進尊冊封之禮 奉進尊太上皇號

○歷朝憲章類誌卷之二十四

潘輝注著

八四

▲禮儀誌

●進尊冊封之禮

★奉進尊太上皇號

陳聖宗紹隆元年。帝既受禪卽位。尊上皇帝爲顯堯聖壽太上皇帝。冬十月。上皇御北宮。卽聖慈宮。百官朝賀。

仁宗紹寶元年。帝卽位。尊上皇號曰光堯慈孝太上皇帝。

英宗興隆元年。帝卽位。尊上皇曰憲堯聖太上皇帝。

明宗大慶元年。帝卽位。尊上皇曰光堯睿武太上皇帝。

憲宗開祐元年。帝卽位。尊上皇曰章堯文哲太上皇帝。

按光堯二字。本孝宗追尊高宗之號。陳家襲用其意。故歷世上尊必以堯字稱之。然而重複鄙野。亦失之拘狹矣。

真宗福永元年。帝旣受禪。奉金冊進尊太上皇帝。

裕宗永盛元年。帝卽位。追尊太上皇帝。

永慶帝元年。帝奉冊太上皇尊號于乾壽殿。

顯宗景興元年。帝旣受禪。尊皇叔永佑帝爲太上皇帝。

奉進太上皇金冊儀

是日早節制府親帥公侯伯文武各具本爵品服並進朝賀前一日尙設司設太上皇帝寶座于乾壽殿設上香案于正中稍南設寶冊于香案之前設皇上拜位于殿上正中稍南設節制府拜位于殿庭上稍南至日尙設司權設寶冊案于萬壽殿上稍南設龍亭于殿庭教坊司設樂于殿庭左右節制府進入左右直店權御文武百官入萬壽殿庭分班立皇上御衝天冠黃袍玉帶御萬壽殿捧冊官用尚書官詣香案取冊置龍亭中皇上御駕傳進百官前導鼓樂進行司事者舉龍亭由中門出兩邊擎傘遮蓋先金駕行捧冊官從行至乾春殿百官分班立教坊司置樂于庭左右龍亭置于庭正中捧冊官捧寶冊置于案上皇上由東階上殿立執事各就位立典禮官寶正官立慶階西向捧冊官立西階東向司禮官跪奏太上皇陞座太上皇具禮服陞座引禮官用禮部官奏上皇就拜位奏鞠躬樂作四拜興平身典禮官唱進寶冊引禮官奏跪司禮立于香案之東取寶冊副金箋授宣冊官用侍郎官宣冊官跪于皇上之右皇上受寶冊加額授捧冊官捧冊官跪受寶冊授司禮復置于案引禮官奏俯伏興平身宣禮官唱宣寶冊引禮官奏跪司禮官復置于案司禮官奏俯伏興平身奏跪代致詞官用侍郎官跪于皇上之左奏云嗣皇帝臣御名伏惟○太上皇陛下功德兼隆顯崇徽號永膺福壽率土同歡樂奏引禮官奏俯伏樂作四拜興平身引禮官奏禮畢皇上復于殿上東邊立執事百官就班立閤門唱排班齊百官行五拜三叩頭禮拜訖分班立儀制司就御道中跪奏禮畢皇上御還宮節制府百官入萬壽殿拜賀節制府還宮百官以次趨出

卷二十四 禮儀誌

進尊冊封之禮 進尊皇太后號

★進尊皇太后號

八六

李太宗天成元年。尊母黎氏爲靈顯太后。

聖宗龍瑞太平元年。進尊母梅氏爲金天皇太后。

仁宗太寧元年。尊生母倚蘭元妃黎氏爲皇太妃。嫡母上伯皇后楊氏爲皇太后。

英宗紹明元年。尊母感聖夫人黎氏爲皇太后。

高宗貞符元年。尊生母杜氏爲昭靈至理皇太后。

陳太宗建中元年。尊母黎氏爲國聖皇太后。

仁宗昭寶元年。尊母天感皇后爲元聖天感皇太后。

英宗興隆元年。尊母保聖皇后爲欽慈保聖皇太后。

明宗大慶元年。尊母順聖皇后曰順聖保慈太上皇后。

憲宗開祐元年。尊儼皇后爲憲慈太上皇后。

黎憲宗景統元年。尊生母阮氏爲長樂聖慈皇太后。阮氏宋山嘉苗人

世宗嘉泰元年。尊生母皇妃東山布衛人爲綏慶皇太后。

神宗永祚元年。尊母鄭氏成祖次女諱玉楨爲端慈皇太后。

真宗福泰元年。尊皇后鄭氏爲明皇太后。居德壽宮。加尊皇太后鄭氏爲太皇太后。

玄宗景治三年。尊母范氏爲皇太后。

昏德帝永慶元年。尊生母鄭氏爲皇太后。

按歷代人君嗣統。莫不進尊母后。但怡愉之思。常懷弗逮。而顯揚之美。鮮及生存。求其親進徽稱。樂奉榮養。蓋亦有求而不得者。今故特錄其逮養進尊者如右。而備載其儀注云。

奉上尊皇太后金冊儀

是日早。公侯文武百官各具本爵品服。並進朝賀。前一日。內官設皇太后寶座于宮中殿上。座前儀幃。設香案于宮中殿上。稍南。設寶冊案于香案之前。設皇上拜位于宮中殿。稍下。至日尙設司權設皇太后寶冊案于萬壽殿上。稍南。設龍亭于殿庭。教坊設樂于殿庭左右。百官進入萬壽殿庭班立。皇上御衝天冠黃袍玉帶。御萬壽殿。捧冊官用尚書官。詣案取寶冊置龍亭中。皇上御駕傳進。百官前導鼓樂進行。司事者舉龍亭由中門出。兩邊擎傘遮蓋。先鸞駕行。捧冊官從行入宮庭。百官分班立。教坊司設樂于宮庭左右。龍亭置于宮庭正中。捧冊官取寶冊。授內司置于案上。皇上由宮殿上東邊立執事百官各就位。典禮官寶冊官立東階西向。捧冊官西階東向。內官跪奏皇太后陞座。皇太后具首飭禮服陞座。引禮官用翰林官跪奏皇上詣拜位。奏鞠躬拜。凡四作樂。興平身。典禮官唱進寶冊。引禮官奏跪。司禮取寶冊于案。捧冊官跪進于皇上之左。皇上受冊加額。再授捧冊官。捧冊官跪授司禮官。復置于案。引禮官奏俯伏。興平身。典禮官用禮部官唱宣冊。引禮官奏跪。司禮官詣于香案之東。取寶冊副。金箋。授宣冊官用侍郎官。宣冊官跪于皇上之右。宣畢。再以寶冊授司禮官。復置于案。引禮官奏俯伏。興平身。奏跪。代致詞官。用侍郎官。跪于皇上之左。奏云嗣皇帝臣御名。伏惟皇太后殿上允叶徽稱。福壽無疆。擧情共慶。樂作。引禮官奏俯伏。樂作。四拜。興平身。司禮官奏禮畢。皇上復于殿東立執事官班立。閣門唱排。

## 卷二十四 禮儀誌

進尊冊封之禮 冊立皇后禮

八八

班班齊百官行五拜三叩頭禮。拜訖分班立同宮嬪就皇太后御座前帷中行五拜三叩頭禮。皇上御還宮百官入萬壽殿拜賀訖以次趨出。

## ▲冊立皇后禮

丁先皇太平元年立皇后五。

一曰冊嘉。二曰貞明。三曰嫡國。四曰麗國。五曰歌翁。

文林黎氏曰。天地並其覆載。日月並其照臨。故能生成萬物。發育庶類。皇后配儷宸極。故能表率宮中。化成天下。自古只一人以治內而已。未聞有五其名者。先皇無稽古之學。而當時羣臣又無以義正之者。使耽私溺愛。並立五后。下至黎李二祖亦踵是而行之。皆先皇首倡其亂階也。

午峯吳氏曰。一陰一陽之謂道。配匹之際。人倫之統。王化之基。興夏翼周。不聞有二。自周天元荒淫狂暴。以天自居。椒庭之中。名號非一。太皇后四名加天字。又置天中太皇后一人。專主粢盛。共爲五后。其冊文有曰。坤儀比德。土數維五。緣飭經義。以蓋其非。丁皇自不知書。率意爲之。而瀆禮亂常之事。前後南北。如出一轍。周后出家。丁后改嫁。皆爲後世非笑。黎李乃踵爲故事。而莫知其失。丁固二代之始俑也。殷鑒在丁。恬不爲懼。於先皇何責焉。

黎大行天福三年立丁故皇后楊氏爲皇后。與奉乾至理皇后順聖明道皇后。鄭國皇后范皇后。並爲五皇后。

祝里吳氏曰。夫婦人倫之首。王化之端。易下經首咸恆。示取女必以正也。大行通淫君后。以此垂統。其子效之。淫泆取亡。豈無取禍之端哉。

李太祖順天元年立天維嫡夫人爲立教皇后。車服之制特異於諸后。七年春三月再立皇后三。

白佐國曰立  
元曰立教

牛峯吳氏曰。李太祖初年立后六至是又立后三合前爲九后矣不然廢其前而再別立率意妄爲弗遵典禮視之于鑿其失尤甚焉者立極垂統作此舉措子孫何所視倣哉仁宗會祥大慶六年春正月立皇后三封蘭英欽天震寶三皇后三十六宮人時帝無嗣故多立后與宮人設醮以禱之。

陳太宗元豐六年春正月納兄懷王柳妻順天公主李氏爲順天皇后降昭聖爲公主時昭聖無子而順天懷妊二月後生顯康陳守度與天極公主密謀於帝以爲宜冒取之以賴其後遂納之。

李先潘氏曰三綱五常人之大倫太宗開基之主固當立法以垂後世乃聽守度之邪謀奪兄妻以爲后母乃教彝倫以啓淫亂之端乎在後陳之人主伯叔同堂相爲婚姻其流之弊至於聚麀同胞如裕宗者未始不由太宗啓之也。

按歷代配匹之際多不以正。如丁李之並立陳家之混娶悖常瀆禮貽笑簡編迄至有鑿立國閨門由禮三百餘年家法相傳蓋不復有瀆亂之事而後歷代之失始爲之一洗矣其每朝冊后爲號今不贅述姑錄陳李以前之事而特載鑿朝禮儀于左以備考云。

冊立皇后金冊儀

前一日司禮監設皇后御座于萬壽殿壇前下帷又設金冊案于座前是日早司禮監設冊案于丹墀之東儀衛司設遞蓋黃傘二把于案之左右同文雅樂二署設大樂于丹墀之東西向舉冊四員

卷二十四 禮儀誌

進尊冊封之禮 冊立皇太后金冊儀

九十一

用序班立于丹墀之東。捧冊一員。用序班並立于丹墀之東。稍南儀制一員。立于丹墀之右。閣門二員立

稍南

于丹墀之左右。二員立于端門之左右。鼓初發執事各員先進入萬壽殿庭。立于右邊奉皇上御衝

天冠黃袍玉帶御出奉召詣前行五拜三叩頭禮趨出前位立各司其事鐘初發文武百官進入丹墀之左右奉皇上陞座閣門唱排班外唱同班齊唱鞠躬五拜樂作三叩頭興平身樂作唱百官分班

侍立序班四員舉冊案于御道中畢趨出二員左邊立典禮官唱傳制傳制官詣御道中跪奏傳制俯伏仍跪司禮官捧制授傳制官傳制官接授司禮官捧冊置子案趨出靠東邊立千百戶擎捧黃傘

夾案遮護傳制官趨出靠東邊立引贊二員引捧冊官就御道中傳制官稱有制引贊唱跪傳制官

宣云

皇上制曰今册封正宮某職某氏爲皇后命卿等賚冊行禮宣畢傳制官捧制就御道中跪達

司禮官接受傳制官趨出前位引贊唱俯伏興五拜三叩頭興平身唱跪司禮捧冊授捧冊官受畢

興趨出左邊立儀制司就御道中跪奏禮畢皇上御還宮捧冊官捧冊自左邊入萬壽殿遞至座前

案百官立班奉特差司禮監官于東邊就案前行禮司禮官于東邊唱鞠躬拜興平身唱跪宣冊官

就于案右立

司禮官于右邊取寶冊副金箋授宣冊官宣畢再授司禮官捧置于案典禮官唱俯伏

鞠躬拜

凡四

興平身禮畢趨出前位立執事官就班立司禮官就宮中欽頒皇后欽受加額以金冊

傳宮人

仍行謝太上皇禮行謝皇太后禮畢皇后御寶

雜內

司禮傳出閣門唱排班班

齊百官行五拜三叩頭禮訖分班立儀制司就御道中奏禮畢

●冊封元帥禮

鑿世宗光興二十二年四月進封節制長國公鄭松元帥王位。冊文曰王者建極錫福道惟公蕩蕩平平人臣建國樹勳禮當厚尊尊貴吉時誕叶縷冊載華推忠翊運竭節宣力功臣都將節制各處水步諸營兼總內外平章軍國重事右相太尉長國公鄭松國望泰喬家庭文武建謀定策安社稷光植中天講信修睦比隣封歛安邊境功特隆於宇宙位宜冠於臣僚特遣太宰榮國公黃廷愛賚捧金冊進封都元帥總國政尙父平安王爰賜玉瓚以作介圭仍賜土田以廣封邑尙其虔共慎位皇皇恪守於王章修德匹休世世永膺於帝眷王其欽哉。

神宗永祚六年進封節制清國公鄭柵元帥王爵冊文曰皇天啓運中興必牛賢以爲社稷人君權公上出必隆爵以表勳勞。賈叶明徵載華縷冊叶謀同德功臣都將節制各處水步諸營兼總內外平章軍國重事太尉清國公鄭柵肖前德業冠古英雄掌兵時耀百戰威悉平海內定策日服羣心。望再造國家炳文茂著坤裳錫寵盡稽師命特遣吏部尙書掌六部事兼御史臺都御史少傅灤郡公文階賚捧金冊進爲元帥總國政清都王爰賜冠冕袞服仍賜玉瓚土田尙其守法度保功名慎位恪遵成訓篤忠忱膺爵祿宜王永匹顯休王其欽哉。

慶德四年八月進封節制西國公鄭柞元帥王爵冊文曰皇天純眷命篤生輔弼之賢人君重尊工不隆尊賢之禮明徵賈叶顯冊載啟。惟翊運贊謀功臣特進開府欽差節制各處水步諸營兼掌國權左相太尉西國公鄭柞天性聰明世臣聞望昔成祖繼大王佐先帝經營大業力整乾坤時師父承考志翊朕躬恢復洪圖功蓋宇宙講素得傳家文武任獨當監國元良略定羣方匡天下多其

力圖回庶政。安社稷。茂厥勳。望允符四海之心。位宜冠百僚之上。特遣禮部知經筵事兼國子監祭酒少保揚郡公阮宜持節資捧金冊金璽榮封爲元帥掌國政。酒定王尚其祖膺重眷。裕德全名。忠孝做十分。在己勉全箇道。泰康兼五福。惟王不衍萬年。扶皇家有永之基。保社稷無疆之業。王其欽。  
玄宗德元元年秋七月進封節制宣國公鄭根元帥王爵冊文曰皇天生賢聖之才所以樹至治人君優尊賢之禮所以表殊勳。亶誕穀時載敷華冊特遜開府欽差節制水步諸營兼總政柄宣國公鄭根英雄蓋世氣象過人昔先君恢復舊疆多賴前王經營亨屯之力暨朕躬光膺耿命全資師父造就養蒙之功保國永奠洪圖傳家深貽燕翼曉惟王嗣克暢皇猷任征伐則南鋤占寇北掃莫徒功特高宇宙總政柄則內安中國外服遠裔德彌映乾坤望允孚四海之心仁當冠百僚之首特遣特進金紫榮祿大夫參從吏部尙書兼東閣大學士國老參預政掌六部事太保燕郡公范公著捧資金冊玉章晉封元帥總國政定南王榮加主贊用啓字由尙其受命承休秉彝慎位政詳典章法度恪守成規德得位祿壽名誕膺申眷贊皇家緒綿於永衍王室業保於無疆王其欽哉。

按黎自中興以後鄭主當權世嗣王爵故有册封元帥之禮蓋自平安王以下八代繼襲訖于黎亡其初開府節制進封元帥一字王位備極尊崇方其始也猶爲册加元臣之儀迨再傳以後威權日盛天子不免屈尊加禮而事勢之所趨威權之所刼爲臣子者亦惟知有王家冊辭贊美極等崇稱名分之外其所出來也漸矣今錄冊封元帥儀文于前而以進尊大元帥禮繼錄於後庶可備考其本末而知當時禮文之得失矣。

裕宗永盛元年秋九月進封節制太尉安國公鄭樞爲元帥總國政安都王。

保泰十年冬十月進封節制盛國公鄭悌爲元帥總國政都南王。

懿宗永佑六年春正月進封全王太弟攝政公鄭楹爲元帥統國政明都王。

顯宗景興二十八年進封節制德國公鄭森爲元帥總國政靖都王。

四十三年冊封靖王長子鄭棕爲元帥總國政端南王。

### ★進封元帥金冊儀

前期文武奉召入侍內殿。欽奉皇帝頒敕諭咨議進尊節制府襲封王位。至日早欽奉官捧敕諭詣府堂文武百官並入府堂等候。敕諭至侍內官奉迎入待令奉頒出宣讀訖。文武謹稟奉請進尊恭奏御允。仍奉擬金冊美字待令奉准允。即謹奉本欽蒙賜允。奉傳司天監令擇日。仍謹啓付該衙門奉行金冊金璽冠袍金帶節旄行儀兩軸。蓋傘扇其金冊該重十二兩。釘六張每張直五寸六分。闊三寸五分。鑄字五行副。金冊用金箋畫龍釘張依樣寫字。衝天冠一頂紫袍一副。金帶一條。節旄用六緊紐用金緣行儀傘紫色六把。兩軸蓋紫色六把。團扇紫色六把。紅杖二百件並付內差奉行金璽一座。奉鑄美字付諸曠工匠局奉行。其文付翰林院擬撰。東閣潤色。仍預差告祭天地廟殿外府祠諸尊位及各處神祠寺觀其告祭清又四鎮殿廟諸尊位奉傳二司官領頒錢買辦禮物奉行前欽奉受日差官上進謝恩禮金子一笏。水牛一隻。生物十匣。欽奉太上皇遣皇子進金子一笏。皇上遣經筵官進金子一笏。其文武百官各處三司并屬內典巡守并藩臣輔導並進賀禮有差。至日早時司禮監設節案冊璽案冠服案于丹墀之東。儀衛司設遮蓋冊璽黃傘于丹墀之左右。教坊二

## 卷二十四 禮儀誌

進尊冊封之禮

進封元帥金冊儀

九四

署設大樂于丹墀之東。稍北典禮一員傳制一員舉節案冊聖冠服案六員用序班並立丹墀之東。右儀衛一員立于丹墀之右。稍南糾儀四員閣門二員立于丹墀之左右二員立于端門外之左。右鼓初發大臣文武百官各具本爵品服立于端門之左右朝參朝謁官立于乾元門內之左右鼓次發執事各員先進入萬壽殿庭立于右邊侍奉皇上御上冠黃袍玉帶御出奉召詣前行五拜三叩頭禮趨出丹墀左右立各司其事鐘初發奉皇上御駕詣觀朝殿序班引大臣文武百官入進左右序立朝參朝謁官進立于端門外之左右奉皇上陞座樂作閣門唱排班班齊外唱同鞠躬五拜。三叩頭樂止興平身樂止百官分班侍立序班六員二員舉節案二員舉冊聖案二員舉冠服案置于御道中畢趨出右邊立典禮官唱傳制傳制官就御道中跪唱傳制傳制官就御道中跪傳制官接受司禮監官捧節捧冊捧璽捧冠服各置于案司禮監官各趨出靠東邊立引贊三員引捧節捧冊捧璽捧冠服各官就御道中傳制官稱有制引贊唱跪傳制官宣制畢傳制官再捧制就御道中跪進司禮監官接受傳制官趨出位前立引贊唱俯伏興平身五拜樂作三叩頭興平身樂止唱跪司禮監官捧節授持節官捧冊授捧冊官捧璽授捧璽官捧冠服授冠服官各受畢引贊引捧節冊聖冠服等官由殿庭左門出儀節官就御道中跪奏禮畢。

皇上御還宮百官以次趨出至三門外捧節官以節授代持節官捧冊聖冠服等官各置于案印左冊右鼓樂前導正副使及執事各員隨行仗後詣府堂行禮如儀。

是日太早府僚官陳設香案于府堂正中設置節案冊聖案冠服案于香案之北設拜位于香案之前通贊二員進入府堂庭候至時侍內官奉入待令奉傳仍一隊發號進迎至大興門仍一驛向

洞達將近府門。小詞官傳戶吏二番。舉府堂門扇。迎至閣門。府僚稟王上。具烏紗平頂帽青吉衣葵色條烏犀紐黑銅飭烏緞綺。御出至府堂。迎至府門外。正副使各員下轎。輞節冊。至導贊稟王上出迎于中門外。立于道左。少頃序班引正使持節副使捧冊璽冠服。進至府堂上。各置于案。導贊稟王上。御入府堂行禮。教坊二署隨立于府堂東邊。王上御于拜位東稍北。正副使各員立于案之東。稍後序班趨出庭西邊外。典禮官立于香案之左。稍外。宣冊官立于典禮案之次。導贊稟詣拜位。王上詣拜位。稟鞠躬四拜。樂作興。樂止。典禮官唱宣冊。導贊稟跪。展冊官以冊副立授宣冊官。宣于香案之左。宣畢。授展冊官復置案。導贊稟俯伏。興平身。典禮官唱授冊。璽冠服。導贊稟跪。捧冊官捧冊授王上。王接受加額。以授府僚。府僚跪受捧立。捧璽官捧璽授王上。王受加額。以授府僚。府僚跪受捧立。導贊稟俯伏。興平身。稟鞠躬四拜。樂作興。平身。樂止。稟禮畢。王上御還宮。侍內官捧節旄金冊。金璽冠服。內進守璽府排重禮先師禮物。奉命官行禮。守璽官用璽于令紙。仍奉進奉迎出奉御座。百官拜賀。侍坐拜謝。畢。吏番官遞出掛張。次日差官代謝敬天樓。靖堂太廟內殿宮廟祭宮禮訖。文武官謹啓加尊太廟美字。追尊慈宮。加封宮內廟諸先公外府祠諸位。照例奉行。

### ◎進封大元帥禮

前期文武百官謹啓恭進三番乞奉御允。仍謹本奏知。欽奉皇上欽差經筵官捧勅旨諭。府堂文武並入府堂。待候勅諭從右門入。至府堂外立。奉王上御出府堂左邊立。經筵官捧勅諭就中間立。授奉差官奉差接受。啓知經筵官趨出。奉差官授宣讀官文武兩班。並隨拱聽宣讀訖。奉御龍床。文武拜賀訖。奉御還大臣文武各趨出。仍奉擬金冊尊字備啓。奉御允。即謹書奏知。欽蒙賜允。仍傳司天

卷二十四 禮儀誌

進封冊封之禮 進封大元帥禮

九六

擇日卽謹啓付該衙門奉行金冊金璽節旄龍蓋傘龍扇。其金冊該重十二兩紙六張每張直五寸三分潤三寸五分鑄字五行副金冊金箋畫龍紙張依樣寫字節旄十二槩紐用金線行儀用畫龍華蓋十二把紫華十二把畫龍扇四把並應差官奉行金璽一座篆尊字之寶六字付諸曉工匠局奉行冊文付翰林院擬撰東閣潤色又奉計自大臣文武臣奉賚捧金冊金璽持節典禮宣冊辰冊代持節命各一員侍內官奉金冊金璽節旄各一員仍領差官奏告天地廟殿外府祠等尊位預告清文四鎮廟殿及各神祠寺觀奉傳二司官欽奉頒行買辦禮物仍奉傳命拜及分差屬內奉行於前欽受日差官上進謝恩禮金子一笏水牛一隻生物十匣欽奉皇上遺經筵官進金子一笏其文武百官各處三司并屬內與巡守及藩臣輔導並進禮有差至日早司禮監設香案冊璽案于丹墀之東儀衛司設遮蓋冊璽黃華于冊璽案之左右教坊司設大樂于丹墀之東稍南典禮一員傳制一員持節一員持冊一員舉節案冊璽案四員引贊二員並立丹墀之東稍南儀制司一員立于丹墀之右稍南糾儀四員二員立于丹墀之左右二員立于端門外之左右鼓初發文武百官各具本爵品服立于端門外之左右朝參朝謁官立于乾門之左右鼓初發執事各員先進入萬壽殿庭右班立奉皇上御衝天冠黃袍玉帶御出奉召詣前行五拜三叩頭禮先趨出丹墀前後立各司其事鐘初發奉皇上御駕詣敬天殿庭序班引班首大臣文武百官進入丹墀左右序立朝參朝謁官進入端門外之左右皇上御視朝殿陞座樂作閣門唱排班班齊外唱全以下唱鞠躬拜樂作三叩頭興平身

樂止

百官分班侍立序班四員二員舉節案一員舉冊璽案置于御道中跪奏傳制俯伏仍跪司禮

監官捧制授傳制官。傳制官接受司禮官捧節捧冊捧璽各置于案。冊左璽右司禮監官趨出靠東立。千百戶擎捧黃傘夾案遮護。傳制官趨出靠東立。引贊二員引捧冊捧璽等官就御道中。傳制官稱有制。引贊唱跪。傳制官宣制官再捧制就御道中跪進。司禮監官接受傳制官趨出前位立。引贊唱俯伏興五拜。樂止三叩頭。興平身。樂止唱跪。司禮監官捧節授持節官。持節官跪受。授代持節官。捧冊授捧冊官。捧璽授捧璽官。各受畢。引贊引捧璽代持節官由殿庭右門出儀制司就御道中跪奏禮畢。皇上御還宮。百官以次趨出至三門外。捧冊捧璽等官置冊璽于案。冊左璽右代持節官於案前行百官引導。樂具前行。禮官照行儀。於案後行賚封。詣府僚官設香案于府堂中。設節案冊璽案于香案之上。設御拜位于香案之前。贊禮二員先進入。待令奉傳仍一隊發號。進迎至太興門外。一仍驛回洞達將近府門。小祠傳吏戶二番舉外府堂門扇進冊遞至門外。府僚官啓王上御衝天冠紫袍玉帶御出。贊禮二員啓詣府堂右邊出。樂官將樂就庭東邊立。捧節官由閣門中門立。進至外堂上。贊捧冊璽官捧冊璽由左門入就中堂上。並置冊璽于案上。趨出東邊立。典禮官立于香案之左。稱外宣冊官立於典禮之次。展冊官立于宣冊官之次。贊禮官啓詣拜位。啓鞠躬四拜。樂止興平身。樂止典禮官唱宣冊。贊禮官啓跪。展禮官以冊授宣冊官。捧冊立于香案之左。宣畢再授展冊官復置于案。贊禮官啓俯伏興平身。典禮唱授冊。贊禮官啓跪。捧冊官以冊跪進。王跪受加額。以授府僚。府僚跪受捧立。贊禮官啓俯伏興平身。啓鞠躬四拜。樂止興平身。樂止贊禮官跪啓禮畢。府僚以冊授中使官遞進。次日奉玉行見廟禮。并謝恩禮如儀。

附王見太廟禮儀

早時神宮監太常寺官設禮于太廟列聖神御前。設香案于十殿之中。設酒樽卓子于香案之左右。  
稍下設王拜位于香案之前。稍南其日早。王具冠服由南門入太廟下轎入右門。由階至殿前廟殿西軒內立贊禮官啓跪就拜位。神宮監官焚香監禮官啓鞠躬四拜。興平身初獻禮。太常光祿寺官酌酒。神宮監官捧進。贊禮官啓跪。禮官就香案左邊跪。祝告曰。本年某月日奉遜尊大元帥金冊美字已欽受訖。今行見廟禮。祝告畢。興趨出前位立。贊禮官啓俯伏興平身亞獻禮。終獻禮。儀同贊禮官啓鞠躬四拜。興平身啓禮畢。是日行見廟禮訖。仍行謝恩禮。王具冠服由廟殿左門入金吾衛廬憩。俟奉召入萬壽殿。謝恩行禮五拜三叩頭禮畢。仍還府拜謝敬天樓靖堂廟堂諸尊位。

▲進加大元帥金冊美字禮

神宗盛德四年秋七月加尊清王徽號。冊文曰。皇天眷國家。徵應茂增於百福。人君尊賢聖。孚恭盛著於多儀。穀旦載蠲芝綸孔耀。眷惟大元帥統國政上主師父。功高聰斷仁聖清王。超人氣象冠古英雄。昔成祖繼太王佐先皇。植大業於中天之秋。忠符日月。計安社稷。茲上主承考志輔小子。誅僞黨於南河之日。功蓋宇宙。勳炳乾坤。才德措天下之安。胤嗣委國鈞之重。內夏外夷向服。躋世昇平。貞符瑞冊疊膺。與天高壽。瞻仰望孚於四海。贊揚賀溢於羣僚。特遣朝廷文武等捧賚金冊玉章。追尊大元帥統國政上主師父功高聰斷仁聖清王。恭望徽美重膺。尊崇交慶。世傳聖緒。長隆王業於萬年。國奠泰磐。永贊皇圖於億載。次哉。

按進尊美字始於清王。前此平安王尙未有也。勢位日隆。尊崇愈極。當時事體。殆所謂門生天子。而滿庭縉紳。所以贊揚進勸者。亦無不極其至。如是冊所稱於王。則曰聖曰天。於帝則曰小子曰恭。望名稱舛。紊體統乖。違噫。當時秉筆者之過也。抑其意極尊崇。而語最朴拙。不知出於誰手。蓋亦可見中興之文體歟。

玄宗景治六年。帝以西王復國。登有大功。命加尊美字。丙戌行冊封禮。冊文曰。朕惟皇天生賢聖之才。所以福國。人君設尊貴之禮。用以答勳。誕叶明徵。載鏤華冊。眷惟大元帥掌國政。尙師西王。英雄蓋世。忠厚傳家。昔成祖繼世。祖洪基。尊立先君。懋贊恢復之功。平定之績。茲勳王率前王大業。夾輔冲人。多賴匡扶之力。造就之仁。政圖而朝重。社安威加。而內平外警。親提三分。進討高平之莫孽巢穴。掃空規模。一統混同。先王之舊疆版章。盡復諒盛德大功之素著。信異數殊禮之當加。特遣特進金紫榮祿大夫陪從工部尙書芳桂侯黎敏捧賚金冊。晉尊大元帥掌國政尙師大父功德仁威明聖西王。王其光受鴻名。命永膺於眷佑。奠安鰲極。世丕顯於治平。王家綿有道之長。皇圖衍無疆之慶。欽哉。

熙宗永治五年。進封元帥定南王爲大元帥統國政上聖師父盛德仁明威聖定王。

裕宗永盛十六年。進封元帥安都王爲大元帥總國政尙師尙父威仁明功聖德安王。

純宗龍德三年。進封元帥威南王爲大元帥尙師尙父聰德英賢聖功博達懋和綏猷裕義貞王。顯宗景興十〇年。進封元帥明都王爲尙師尙父英斷武功文德明王。二十〇年。進封元帥靖王爲上師尙父睿斷文功武德靖王。

卷二十四 燭儀誌

進尊冊封之禮 進尊大元帥金冊美字儀

一百

★進尊大元帥金冊美字儀

前期文武臣僚欽奉皇帝敕諭。讓進尊玉上冊美字四字。其日經筵官一員。司禮官二員。先入講堂候旨。待傳入萬壽殿庭。司禮奉敕諭出。經筵官就御道中行五拜三叩頭禮。跪接受敕諭。捧出講庭外。置于案上。黃傘四把。遮護執鞭四十人。分前後兩旁行。經筵官與典禮官隨後詣府。府門外奉差官一員出迎。用文武大員臨發特差

敕案至閣門。經筵官奉勅諭行右邊立。御出中府堂左立。經筵捧勅諭就中

府堂進正中間立。授奉差官用侍內官。接受啓知經筵官司禮官趨出稍西東向立奉差官授宣讀官預前擇差。接。受。啓。知。經。筵。官。司。禮。官。趨。出。稍。西。東。向。立。奉。差。官。授。宣。讀。官坐。奉。頒。具。饌。寄。拜。謝。訖。仍。奉。擬。金。冊。美。尊。字。金。璽。節。旄。并。龍。傘。龍。扇。等。行。儀。備。啓。恭。奉。御。允。傳。司。天擇。日。謹。啓。傳。下。奉。行。金。冊。該。重。十二。兩。釘。六。張。每。張。直。五。寸。三。分。濶。三。寸。五。分。鑄。字。五。行。副。金。冊。用。金。篆。畫。龍。釘。張。依。樣。寫。字。節。旄。用。十二。緊。紐。用。金。線。行。儀。畫。龍。華。蓋。二。把。紫。華。蓋。二。把。畫。龍。扇。四。把。並。差。官。行。金。鑾。一。座。篆。尊。字。之。寶。六。字。付。諳。曉。工。匠。局。奉。行。冊。文。付。翰。林。院。擬。擇。東。閣。濶。色。又。奉。計。大。臣。文。武。奉。資。捧。金。冊。持。節。典。禮。宣。金。冊。展。金。冊。代。持。節。傳。命。各。一。員。贊。禮。二。員。知。官。奉。金。冊。各。一。員。仍。預。差。官。告。祭。天。地。廟。殿。外。府。祠。等。尊。位。其禮物六書官贊禮。其預告清文武百官各處三司。并屬內與奉傳二司官領奉頒行買辦禮物。仍奉傳拜及差屬內官奉行禮於前欽受日差官上進謝恩禮。金子一笏。水牛一隻。生物十匣。欽奉皇上遣經筵官進金子一笏。其文武百官各處三司。并屬內與巡守及藩臣輔導並進禮有差。至日早。司禮監設冊聖案于丹墀之東。儀衛司設遮蓋冊聖黃傘于冊聖案之左右。教坊司設大樂于丹墀之東。稍南典禮一員。傳制一員。持節一員。捧聖一

員舉節案冊璽案四員。引贊二員。並立于丹墀之東。稍南儀制司一員。立于丹墀之右。稍南糾儀四員。二員立于丹墀之左右。鼓初發文武百官各具本爵品服。立于端門外之左右。朝參朝謁官立于乾門之左右。鼓再發執事各員先進入萬壽殿庭右邊立奉皇上御衝天冠黃袍玉帶御出奉召詣前行五拜三叩頭禮。先趨出丹墀前後立各司其事。鐘初發奉皇上御駕諸敬天殿庭序班引班首大臣文武百官進入丹墀左右朝參朝謁官進入端門外之左右奉皇上御視朝殿陞座。樂作閣門唱排班班齊。外唱同以下唱鞠躬五拜。樂作三叩頭興平身。樂止百官分班侍立序班四員。二員舉節案二員舉冊璽案置于御道中跪奏傳制俯伏仍跪司禮監官捧制授傳制官接受司禮官捧節捧璽各置于案。冊左璽右司禮監官各趨出靠東立。引贊二員引持節捧冊璽等官就御道中傳制官稱有制引贊唱跪傳制官宣云皇上制曰今進尊大元帥金冊美字等字金冊將命卿等持節行禮宣畢傳制官再捧制就御道中跪進司禮監官接受傳制官趨出前位立引贊唱俯伏興平身五拜三叩頭。樂作興平身。樂止唱跪司禮官捧節授持節官捧冊授捧冊官捧璽授捧璽官等官由殿庭右門出儀制司就御道中跪奏禮畢皇上御還宮百官以次趨出至三門外持節官授代持節官捧璽等官置冊璽于案。冊左璽右鼓樂前行百官仍具品服依次前導執事等官遵行儀後冊璽案行賚詣府堂行禮如儀是日早奉差各營奇官兵備傘蓋旗幟香案儀仗就內殿迎接贊禮官設香案于府堂正中設置冊案節案璽案于香案之上設御立位于府堂之左設御行禮位于香案之前贊禮二員預進入候行禮節冊案至外府贊禮官啓御衝天冠紫袍玉帶御出左邊立賚冊璽官捧冊璽持節官捧節由閣門入就府堂之上各置節冊璽于案並趨出東邊立教坊司禮將典樂官就

府堂東邊立典禮官宣冊展冊等官並立于香案之左。唱展冊展冊官就冊案以冊副跪授宣冊官宣冊官跪受宣畢授展冊官復置于案典禮官唱授冊璽捧冊官以冊跪進奉御立接受加額擇差受冊官於左邊跪受捧立捧璽官以璽跪進奉御立接受加額擇差受璽官於右邊跪受捧立贊禮啓二揖贊禮官跪啓禮畢擇差捧節侍內官就節案取節受冊受璽官以冊璽授捧冊捧璽官侍內官奉御出前位左邊立進正中御座撤香案并色席執事與奉迎等官仍取朝服冠帶行四拜禮訖奉迎入更服執事各官趨出各易衣服帽候奉侍奉官禮先師守璽官用璽于令紙置案上奉御出正殿欽奉官奉拜賀文武百官同拜賀侍宴拜謝禮訖吏番官奉迎令紙出掛張次日差官拜謁拜謝殿廟奉拜謝太廟告辭云大元帥美字等臣御名欽奉冊命進尊大元帥美字於某月日已欽受訖謹遣代謝謹告。

按冊封之儀前二次王猶拜受冊璽於進加美字則揖而不拜立而接受抗尊於君不復爲人臣之禮矣蓋自定王擁立玄尊尊以不拜不名之禮歷世相承禮貌隆重加冊之後爲天子亞帝之所以命之者曰進尊臣之所以受之者曰上尊洪名膺受儼爾君王宜其不復降屈於受冊也噫名不正則言不順言不順則禮不興以天子而進尊元帥以元帥而長揖天子禮儀乖紊固未有甚於此者推原其自夫豈非名分久舛之故哉。

▲冊封節制府金冊禮

前日早文武奉召各具品服應入府堂待候至時開門並進入府堂中分班立奉王上御座奉拜禮訖各趨出本班立奉召官宣召王世子就府堂東邊立內臣捧立旨諭傳使宣讀文武並入跪拱聽。

宣畢文武仍出本班。差官傳旨。王世子跪受。恭就正中行拜謝禮。文武奉拜賀訖。王世子奉內進謝恩禮。文武齊就青宮拜賀。禮訖。再謹啓乞特加開府。恭奉旨準。仍奉擬開府金冊美字備啓。奉御允卽謹奏本欽蒙賜允。仍傳司天監擇日。卽謹啓付衙門奉行金冊銀印。朝服冠帶節旄。行儀龍轎花蓋團扇。其金冊該重六兩四錢。紙張依樣寫字。冠用楊棠冠。後有兩曲翅鉢。金朝服用紫色補子。用麒麟織金帶。用奇石繞金。其節旄七緊紐線。行儀用龍轎一座。畫龍花蓋四把。畫龍扇二把。加掉十件。朱漆銀環兩頭包鑰。並付內差官奉行銀印一顆。該重八十一兩四錢五分。篆十二字。付諳曉工匠局奉行冊文付翰林擬撰。東閣潤色。其奉侍府堂用烏紗帽。有突縫黑線青吉衣。有覆後夾條。有夾玉金銀。仍預差官祭告諸王天地廟殿諸尊位。及府物並寫粘文。並付六跡備辨。其清父四鎮殿廟諸尊位。奉傳承憲二司官領奉頒行買辦禮物。仍奉命及分差屬內行。經筵官欽奉皇上命謹恭奉進銀子一笏。奉傳經筵官迎回上進。前日王世子預差官遞恭進禮熟物一百匣。熟沙牢十隻。遞上進禮熟物三十匣。熟牢三隻。其文武百官司禮監奉天府各處二司兼屬內並進賀禮有差。至日早。司禮監設節案冊印案冠服案于丹墀之東。稍北近候將士設盛冊印案盛冠帶案于三門外之東。具樂管于案之前。雅樂設大樂于丹墀之東。稍北儀衛司設遮蓋黃傘二把于冊案之左右。同文典禮二員。用尚書官傳制一員。用添差官立于丹墀之東。西向舉節案冊印案冠服案六員。用序班官並立于丹墀之東。稍南儀衛司一員。立于丹墀之右。稍南閤門四員。二員立于丹墀之左右。朝參朝謁官立于乾元門內之左右。鼓初發執事各員先進入于萬壽殿庭立于左右。皇上御衝天冠黃袍玉帶御

出奉召詣前行五拜三叩頭趨出丹墀之左右立各司其事鐘初發大臣文武百官進于丹墀左右序立朝參朝譴官進入端門之左右奉皇上御視朝殿陞座。樂作鍾音止樂止閤門唱排班班齊唱鞠躬樂作五拜三叩頭興平身樂止唱百官分班序立序班六員二員舉節案二員舉冊印案二員舉冠服案置于御道中畢三員趨出左邊立三員趨出右邊立典禮官傳制傳制官就御道中跪奏傳制俯伏仍跪司禮監捧制授傳制官接受司禮監官捧節冊印冠服各置于案冊左印右司禮監官趨出靠東立千百戶擎捧蓋傘夾案遮護傳制官趨出靠東立引贊二員引持節捧冊印冠服等官就御道中傳制官釋有制引贊跪傳制官宣制畢傳制官捧制就御道中跪進司禮監官接受傳制官興趨出前位立引贊唱俯伏興五拜樂作三叩頭興平身唱跪司禮監官捧節授持節官捧冊印冠服授捧冊印冠服官各受畢興引持節捧冊印冠服官由殿庭右門出儀衛司就御道中跪奏禮畢皇上御還宮百官以次趨出至三門外持節官授代持節官捧冊印冠服等官各置于案冊左印右代持節前行鼓樂前導儀衛司擎捧蓋傘執鞭左右行近候壯士持冊印冠服繼行正副使及執事各員遵行後而行詣節制府行禮是日太早時府僚官陳設香案于前府堂之中設節冊印冠服案于香案前之北設拜位于香案之前引贊二員先詣府堂候行禮節冊行稍近府僚梁節制府具原冠服引贊導出迎于中門外迎道左節制至府門外正副使各員皆步行節冊至中門外引贊稟節制府跪俯伏興仍立序班前引正使持節副使捧冊印冠服引贊導節制府前行欽差等官進行至府堂上各置于案同文雅樂二署隨入於府庭東邊立節制府立于香案之東稍南正副使各員立于香案之東稍後序班進立于府庭西邊稍外典禮官立于香案之左稍外宣冊展冊官立于

典禮官之次。引贊稟就位。節制府就位。稟鞠躬。樂作四拜。興平身。樂止典禮官唱宣冊。引贊稟跪。展冊官以冊授宣冊官立宣于香案之右。宣畢。授展冊官復置于案。引贊稟俯伏。興平身。典禮官唱授冊印冠服。引贊稟跪受捧冊官捧明授節制府。節制府受加額。以授府僚。府僚跪受捧立。捧印官捧印授節制府。節制府受加額。以授府僚。府僚跪受捧立。捧冠服官捧冠服授節制府。節制府受加額。以授府僚。府僚跪受捧立。引贊稟俯伏。興平身。仍導節制府于拜位西邊立。著奉頒冠服玉帶。引贊稟節制府再就拜位。稟鞠躬四拜。樂作興平身。樂止稟禮畢。捧印入內奉行嘉紙掛張府門。奉節制御座。文武百官拜賀。禮訖。奉頒寫畢。文武官奉拜謝。仍各趨出。次日奉節制府行謁見太廟禮。是日太早。神宮監太常寺陳設禮物香酒。設拜位于廟殿前正中。其日早。節制府具欽賜冠帶衣服由大興門入至太廟門外。下轎入右門。由西階上西邊立。禮官唱初獻禮。太常光祿寺官酌酒神宮監官捧進引贊稟鞠躬四拜。興平身。禮官唱初獻禮。引贊稟跪俯伏。興平身。禮官唱終獻禮。引贊稟跪俯伏。興平身。禮官唱亞獻禮。引贊稟跪俯伏。興平身。禮官唱三獻禮。引贊稟跪俯伏。興平身。禮官唱終獻禮。引贊稟跪俯伏。興平身。禮官唱謝恩禮。節制府由視朝殿左門入左直店暫憩。候召入萬壽殿庭。行五拜三叩頭禮。禮畢。奉還府拜謁正宮廟禮畢。奉入拜謝王上禮訖。奉還宮。